

Forum Filosofia e litteratura

Ovras classicas da l'antica fin al temp modern

■ Chattà preschenta las emissiuns davart ovras filosoficas e litteraras che Iso Camartin ha realisà ils onns 2007 fin 2009 per il «Forum» dal Radio Rumantsch. Las singulas contribuziuns èn accessiblas sur www.rtr.ch/archiv/il-forum u sa laschan emprestar en la Biblioteca chantunala sin disc cumpact.

Lao Tse ed il «Tao Te King»

Tgi ha inventà la pulvra? Nus Europeans essan savens da l'avìs che nus sajan quasi dapertut il emprims. Ma en dumondas vitalas da la vita han er auters fatg patrags e quai già en in temp ch'ins na sa-veva anc pauc u nagut d'ina filosofia europeica. In bun exemplèl èn ils filosofs chinois. Lur respotas sin dumondas centralas da la vita èn plain surprasias. Ina curta preschentaziun dal «Tao Te King» – il cudesch central dal patratg taoistic, fundà dal filosof Lao Tse (6avel tschientaner a.C.) – po forsa intimar nus d'ans interessa per manieras estras da daventiar ventiraiel. (Emissiun dals 21 da fanadur 2007).

Kohelet

I dat en il Vegl Testament in cudesch in pau spezial. Quel sa numna «Il cudesch da Kohelet»,

ma vegn er clamà «Il pre-dicatur Salomon». «Tut è mo ina buffa-da vent», scheva Kohelet (ca. terz tschientaner a.C.) gugent en vista al fatg che nissa vita è curta e che la mort spetga senza remischun sin ritgs e paupers. Datti insumma ventira sut las stailas sche la mort è uschè preschenta? Kohelet manegia: gea, sch'ins è abel da viver il mument, da giudair ils bains da la terra e da renunziar a speranzas vanas quai che pertutga l'auter mund. Il predicator Kohelet èn in maister da la provocaziun, e quai fin il di dad oz. (Emissiun dals 15 da settember 2007).

Essan nus purschels or da la muntanera dad Epicur?


Epicur, ch'ha vivì en il terz tschientaner a.C., era in filosof ch'instruiva ses discipels co ch'ins possia viver senza tema da la mort. Ils Epicures han in miserabel num. Eles veglian mo giudair, esser sensualls senza retegn e mesira, tschertgian sulettamain il regl e la passiun. Epicur sez era in filosof che vuleva tut insatge autor. El instruiva ses discipels co ch'ins pudess viver senza tema da la mort, senza passiuns vanas e senza surlaschar sasez a painas e dolurs. Sias scrittiras èn recepts effectivs per emprender da daven-tar ventiraiel. Tge impurtanza han ellas oz? (Emissiun dals 17 da mars 2007).

Diogenes en il butschin

Quasi ils emprims ch'en sa fatschentads cun la dumonda: «Tge fa nus ventiraiel?» eran ils filosofs ch'ins numna ils «kynichers» – u en versiun moderna ils «cinics». Il pli enconuschenet trantre els era Diogenes, il filosof che viveva en in butschin. El pretendeva che per esser cument stoppien ins viver cun pauc u schizunt nagut. Tge savain nus da quels curius schanis dal terz tschientaner a.C. ch'empruvavan da viver da pauper per acquistar la ritga libertad interna? (Emissiun dals 10 da favrer 2007).

Stoic e fortunà

La stoa – ina scola filosofica – ha sia tgi-na en Grezia. La culminaziun ed il pli grond resun ha questa scola dentant chattà a Roma – cun il filosof Seneca (emprim tschientaner s.C.). En sia scrit-tira «De vita beata» expligta el, tge che saja da considerar per pudair viver ina vita ventiraivla: chattar la dretga relaziun trantre virtids e plaschairs, betg da-vendar il sclav dals agens regls e betg ir en



Cudeschs vegnan e van – il canon litterar resta.

FOTO: PD

la faussa direcziun cun mo imitar quai che la gronda massa fa. Seneca vuleva mussar a ses scolars co ch'ins chatta la cumentient-scha. Cunvegni d'elegir la via stoica er ozendi? (Emissiun dals 5 da matg 2007).

Augustinus

Blers cristians èn persvas ch'i dettia la vaira ventira pir en in mund futur, suenter la mort. Forsa il pli persvas che mo Dieu sappia esser nissa ventira era Augustinus (354–430), in «dandy» da l'Imperi roman tardiv e suenter sia conversiun uvestg da Hippo. Co ch'ins ha da s'imaginara quella ventira ha el descrit en ses cudesch «Confessiones». Ses confess cuntegna patratgs che fascineschan nus anc ozendi. Per Augustinus tschiffa la cardient-scha corp ed olma. E cun pleuds savurus ed in'intensitat supren-denta descriva el la via d'in cristian a la beadianscha e ventira. Grev da suandar, ma bel da leger! (Emissiun dals 13 d'octobre 2007).

La dignitat da l'uman

Tranter las figuras las pli fascinantas da la renaschientscha taliana tutga il filosof Pico della Mirandola (1463–1493). Oz è el enconuschenet a nus surtut pervi d'ina scrittura: ses tractat «De hominis dignitate» – sur da la dignitat da l'uman (publitgà postum 1496).

Sco in dals emprims ha Pico analisà quai che dat a l'uman ina posiziun unica trantre essers celestials ed essers terresters, trantre anghels ed animals: sia libertad d'elegir la via ensi ni quella engiu. Pico viveva en in temp da burascas politicas e da radic-alisaziuns religiusas. El veseva la funcziun dal filosof er en pacifitgar ils chaus-stgaudds ed animar a la convivenza – cun reguardar ils adversaris al pli grond stgazi che nus avain: la libertad. (Emissiun dals 8 da novembre 2008).

La fevra da Werther

Cun ses emprim roman «Die Leiden des jungen Werthers» ha Johann Wolfgang Goethe (1749–1832) procurà il 1774 per in dals pli gronds scandals litterars da tut ils temps.

Fin il di dad oz discurrin nus da la fevra da Werther. Il cudesch muventa ed ha muventà, mintgatant talmain ch'el ha provocà suicidis d'imitaziun. Tge dumondas existenzialas sa zuppan davos quest cudesch ed en la figura dal giuven Werther? Daco fascinescha questa persona che capitulesscha davant la realitat da la vita, che tira sias consequenzas e banduna voluntarmain quest mund? (Emissiun dals 16 da matg 2009).

Gottfried Keller e ses patriots

L'onn 1861 vegn Gottfried Keller (1819–1890) elegi sco scrivant da la re-genza dal chantun da Turitg. Il medem onn cumpara ina da sias novellas las pli enconuschenetas: «Das Fähnlein der sieben Aufrechten».

Keller descriva co che set mastergnants da Turitg vulessan ir l'onn 1849 a la festa da tir ad Aarau, per celebrar il nov stadi republican svizzer.

Denant avant che ir a festa sto mintgin dad els surmuntar ses egoissem e l'atgna vanagloria per daventiar in vair patriot.

Quai reussescha mo grazia a l'interven-ziun da dues forzas vitalas: la generaziun giuvna e l'intelligenza da la dunnas. (Emissiun dals 14 da mars 2009).

Descartes e la metoda

El è in dals filosofs ch'ha influenzà en moda decisiva il pensar europeic. Cun René Descartes (1596–1650) nascha ina nova furma d'argumentaziun ed ina nova maniera da separar il vair e seguir da quai ch'è mo pussaivel e probabel. «Co-

«Effie Briest» da Theodor Fontane

Theodor Fontane (1819–1898) – in au-tur e publicist da renum – ha passa 70 onns cur ch'el cumenza a scriver in da ses romans ils pli reüssids: «Effie Briest». Quel tracta d'ina dunna giuvna che

entalà è i a la fin durant l'Emprima Guerra mundiala. Cun el n'è betg be sparida ina structura politica, mabain er ina cultura da la convivenza trantre pie-vols e nazions. Questa cultura n'era betg senza conflicts e cuntradiciuns, ma ga-rantiva tuttina a ses avdants d'esser en il medem temp patriots d'in pajais e burgais dal mund. Il scriptur Joseph Roth (1894–1939) ha descrit en ses roman «Radetzky-marsch», cumpari il 1932, en in'istoria parallela il declin da la famiglia Trotta e quel da l'entir imperi. «La materia è memia gronda, jau sun memia flaivel e na dun betg dumogn», scriva l'autur en ina brev ad in ami. Quai che Roth ha stgaffi è in'istoria commoven-ta che tschiffa nus anc oz. (Emissiun dal prim d'avust 2009).

«Il gidanter» da Robert Walser

Robert Walser (1878–1956), in giuven scriptur cun penna fina, ironica e cura-schusa, emprova da far carriera en Svizra ed en Germania. Dentant na vegn el economicamain, malgrà ses success litterars, betg sin ina frastga verda. Suenter onns da combat per rencouschientscha rumpa sia gnerva, diagnosa: schizofrenia. Ils ultims 25 onns da sia vita pas-senta el en ina clinica a Herisau. Ses roman «Der Gehülfe», publitgà il 1908, raquinta d'in giuven ch'emprova dad ir sia via cun esser servetschivel e nizzaivel senza daventiar servil u sclav: in juvel da la litteratura svizra dal 20avel tschientaner. (Emissiun dals 5 da settember 2009).

Tgi è signur Keuner?

Pli che 30 onns ha Bertold Brecht (1898–1956) scrit vi da las istorias da ses «Signur Keuner». Il 1971, pia 15 onns suenter la mort da Brecht, han ins publitgà ellias, en tut 87 texts curts. I sa tracta «d'emprovas da pensar» – en furma d'anecdotas, parablas ed observaziuns sur da las strategias da surviven en temps da crisa. Co pon ins dumagnar la violenza? Co acquistar e mantegnair ina «tenuta» en el caracter en el decurs d'inexistenza? Magari stuaun nus emblidar la moral e noss principis e suandar la sauna raschun. La vita che Brecht ha en mira na dovra ni erox, ni sotngi ni patriots. (Emissiun dals 7 da novembre 2009).

Ingeborg Bachmann rumpa las convenziuns

Tranter las vuschs poeticas dal 20avel tschientaner è quella dad Ingeborg Bachmann (1926–1973) ina da las pli remartgables. Dal moment ch'ella è ar-rivada sco giuvna studenta da filosofia or da ses Klagenfurt a Vienna ha ella entusiasmà ses contourn. Litterats sco Paul Celan, Max Frisch ed Uwe Johnson eran ord chadaina cur ch'els realisavan la forza poetica en ils texts da la giuvna Bachmann. Il 1961 ha ella publitgà ses emprim cudesch cun prosa – ina prosa cun in flad poetic tut spezial. Il titel: «Das dreissigste Jahr». I sa tracta da set differents raquints ch'han in tema comunabel: Co rumper il corset da las convenziuns? Betg mo convenziuns so-cialas, mabain er quellas da la lingua, gea schizunt quellas da la sexualitat. En ina nova lingua e cun ina musicalitat mai uidida ha ella dissegna il sforz ch'ins sto far per sentir il flad da la libertad en ina vita ch'avess da tegnair quai ch'ella empermetta. (Emissiun dals 12 da decembre 2009).

La preschentaziun:

Dossier «Forum RTR: Classichers da la filosofia e litteratura mun-diala».

Dapli infurmaziuns:

chatta.ch/?hiid=4646
www.chatta.ch